



Publicaziuns dalla vischnaunca, jamna 21

Annunzias da baghegiar

All'istanza da baghegiar ei sin fundament digl art. 64, alinea 2 dalla lescha da baghegiar e digl art. 40 dall'ordinaziun davart la planisaziun dil territori dil cantun Grischun OPT vegniu annunziau suandonts projects:

Nr. 2011-2052

Gion Battista Manetsch-Vincenz, Via Sogn Antoni 30, 7183 Mump. Medel; suttetg pil muvel, parcella 2399, Via Tgacuatsch, 7183 Mumpé Medel.

Nr. 2011-2053

Carli Pally, Via Luzzas 5, 7180 Disentis/Mustér; sanaziun interna dalla casa, parcella 695, Via da Scola 1, 7180 Disentis/Mustér.

Nr. 2011-2056

Marc Schmed, Via Alpsu 30, 7180 Disentis/Mustér; duas finiastras da tetg, casa sin parcella 510, Via Alpsu 30, 7180 Disentis/Mustér.

Nr. 2011-2058

Anna Maria ed Otmar Maissen-Flepp, Gassa da Cuoz 15, 7186 Segnas; sanaziun dalla seiv e remplazzament dallas portas garascha, parcella 1217, Gassa da Cuoz 15, 7186 Segnas.

Encunter quellas decisziuns san ins protestar a scret enteifer 20 dis dapi la publicaziun alla suprazonza communal.

Disentis/Mustér, ils 23-5-2011
Uffeci da baghegiar Disentis/Mustér

Administraziun communal

Sur Anceinza ei l'administraziun communal serrada

**naven da mesjamna, igl 1. da zercladur 2011 allas 16⁰⁰
entochen gliendisdis, ils 6 da zercladur 2011 allas 9⁰⁰.**

Administraziun communal Disentis/Mustér

Vischinadi Segnas

Invit alla radunonza extraordinaria

Dumengia, ils 5 da zercladur 2011 allas 20.15 en casa da scola, Segnas.

Tractandas:

1. Beinvegni
2. Elecziun d'in dumbravuschs
3. Prelecziun ed approbaziun dil protocol
4. Orientaziun president
5. Status novs; presentaziun ed approbaziun
6. Recepir il vischinadi Momp. Tujetsch; discussiun e votaziun
7. Deliberaziun da damondas e propositas
8. Varia

Cordialmein envida la suprazonza dil vischinadi Segnas



Cuorsa dil Rein

Impediments sin differentas vias

Preziadas vischinas, preziai vischins

Dumengia, ils 5 da zercladur 2011 ha liug la 4. Cuorsa dil Rein. L'occurrenza sespleiga denter las 11.00 e las 14.30. Duront quei temps eis ei da quintar cun impediments entras curridras e curriders sin suandontas vias dallas vischnaucas da Mustér e Tujetsch:

Via Acletta–Via Luzzas–Via Sut Baselgia, Via Glaretsch–Vitg da Segnas, Via Tguinter, Via Bugnei, Via Niriël, Via Surrein/Cavorgia, Via Cavorgia-sut, Via Valzeinza, Via Raviul–Via Salez e Via Buretsch, Via Cuoz, senda Cavorgia–Mumpé Medel, Via Mumpé Medel–senda Cufllons/S. Gada, Via S. Catrina–Funs-dado–Via da Paders, Via Claustra, Via Sursilvana denter Mobiliias Fry e Via Disla, Via Disla, Via Brulf, Via Cavardiras, senda Brulf–Fontanivas, senda Fontanivas–Cufllons.

Bien engraziament per Vossa capientscha e Vies sustegn! Ulteriuras informaziuns ed annunzias sut:
www.cuorsadilrein.ch

Cordials salids igl ok .la cuorsa dil Rein.

Apparats d'udida

Gliendisdis, ils 30 da matg 2011 denter las 14.00 e las 16.00 saveis Vus schar schubergiar e regular Vies apparat d'udida en Casa da tgira Sursassiala. L'uniun Pro Audito Chur cun Arthur Jacomet, fa quei survetsch per tuts interessents gratuitamein.

Liug: Casa da tgira Sursassiala, stiva da schiember.

*Cordiala invitaziun
Casa da tgira Sursassiala*

Uniun fallun e cascharia Disla/Mustér Di svizzer dils mulins

Sonda, ils 4 da zercladur 2011 dallas 10.00–19.00

- Il fallun vegn mess en funcziun
- Prender investa dil mulin vegl, stiva da filar, dalla cascharia sco era dalla resgia
- Ustria sil plaz

Ha enzatgi utensils vegls che vegnevan duvrai en connex cun luvrar si glin ni en cascharia?
Tel. 081 947 48 78.

*Bien engraziament e sin seveser
La suprastonza*

Uniun da dunnas Devoziun Mariana

Gievgia, ils 2-6-2011
allas 19.00 en caplutta dalla casa s. Gions.

*Sin ina biala devoziun cun Vus ensemen selegra
La suprastonza*



Uniun da dunnas Mustér

Preavis – viadi uniun da dunnas

Mardis, ils 6-9-2011 mein nus sin viadi. Nies viadi meina nus quella gada el Tessin. Nus mein sil Monte Tamaro e visitein la renomada .Capella Santa Maria degli Angeli. digl architect Mario Botta. Suenter gentar mein nus encunter Locarno e visitein leu la .falconeria ed ina .show. cun tschéss ed auters utschals. **Reservei gia oz quei datum!**

*Nus selegrein sin Vossa participaziun
La suprastonza*

Lavar ora la baselgia

Gievgia, ils 9 da zercladur lavein nus ora la baselgia. Nus essan fetg engrazievlas a mintgina che pren la peda da vegnir e segidar cun nus. Era umens ein cordialmein beinvegni. Nus entschavin allas 8.00. Ils zenns tucan.

Prende cun Vus: lumpa, barschun e sadiala.

En cass da mortori vegn il datum refiers sin ils 16 da zercladur.

*Grond engraziament per Vies agid
La suprastonza*

Preavis: Lotto a Mustér

**Sonda, ils 19 da november 2011
allas 20.00 el center da sport e cultura.**

Nus supplichein autras uniuns da risguardar quei datum.

*Cordialmein envida
Uniun Indoor-Festival*

Exercezi regional dallas uniuns samaritanas Tujetsch, Medel e Mustér a Medel

Gliendisdis, ils 6 da zercladur 2011

L'Uniun samaritana Mustér serimna allas 19.00 avon halla Cons.

Equipament: resti cauld, buns calzera e cazzola da maun.

Igl exercezi ha liug da tutt'aura.

*Sperond a stedia participaziun salida cordialmein
la presidenta*



Landschaftswandel in Disentis
Alte Fotos, spannende Geschichten
Projektwoche Gymnasium Kloster Disentis

Vom 16.–20. Mai fand am Gymnasium Kloster Disentis die alljährliche Projektwoche statt. Die erste Klasse untersuchte in einem fächerübergreifenden Projekt den Wandel von Disentis in den letzten hundert Jahren.

Landschaftswandel in Disentis anhand von Geschichten, Bildern und Karten., so lautete der offizielle Titel der Projektwoche. Jörg Schmuki (Geographie), Pater Theo (Klassenlehrer) und Simon Muff (Geschichte) betreuten die motivierte und sehr fleissige Klasse. Vom Archiv der Klosterschule und von Privatpersonen wurden alte Fotos von Disentis zur Verfügung gestellt.

Ziel war es, aus der gleichen Perspektive ein modernes Foto zu machen, um die Entwicklung zu veranschaulichen. Schliesslich ging die Klasse ins Altersheim in Disentis und befragte die Bewohner und Bewohnerinnen zu den alten Fotos. Ebenso wurden ältere Personen im Dorf befragt. Im Sinne von moral history. erfuhren die Lernenden viele interessante und eindruckliche Geschichten aus dem früheren Disentis. Auch die Begegnung der Generationen war für alle Beteiligten sehr wertvoll und ein eindruckliches Erlebnis.

Aus den alten und aktuellen Fotos sowie den gesammelten Geschichten ist nun als Abschlussarbeit eine zweisprachige Ausstellung entstanden.

Die Vernissage findet am Mittwoch, 1. Juni, um 10.00 Uhr im Alters- und Pflegeheim statt.

Jedermann ist dazu herzlich eingeladen. Die Ausstellung ist öffentlich und kann bis am 17. Juni im Alters- und Pflegezentrum in Disentis besucht werden.

Seruschnar – paterlar – termagliar

Nus s'entupeiin mo da bialaura

mesjamna, igl 1. da zercladur 2011 allas 15.00

sin la piazza da giug da Mustér.

Sin Vossa participaziun selegran
Mummas cun affons pigns Mustér

Ludoteca Mustér

Liug/Ort: Halla Cons, tel. 076 494 39 92
e-mail: ludoteca@disentis.ch

Uras d'avertura / Öffnungszeiten:
Gliendisdis/Montag: 18.30–20.00
Gievgia/Donnerstag: 16.00–17.30
Venderdis/Freitag: 18.30–20.00

Sonda, ils 28 da matg 2011 ei il di da giug naziunal.

Naven dallas 11.00–16.00 envida la Ludoteca Mustér al di da giug naziunal. Nus presentein e giughein quei di giugs da famiglia ed il giug Dog. Per la pausa ni per il gentar dat ei ligiongias dil gril.

Visitei quei di la ludoteca, nus selegrein da Vossa viseta.
La squadra dalla ludoteca



Biblioteca populara Mustér

Liug: Casa da scola, tel. 081 947 52 90, biblioteca@disentis.ch

Sut www.disentis.ch ni www.bibliotecas-surselva.ch anfleis Vus nies entir catalog bibliotecar. Per e-mail saveis Vus reservar ina ni pliras medias ed enteifer 5 dis retrer ad emprest ellas en biblioteca populara.

La biblioteca ei aviarta:

<i>Gliendisdis</i>	<i>18.30–20.00</i>
<i>Mardis</i>	<i>13.30–15.00</i>
<i>Gievgia</i>	<i>16.00–17.30</i>
<i>Venderdis</i>	<i>18.30–20.00</i>

Nies motto: Leger . . . tedlar . . . mirar . . . !

Nus selegrein da mintga viseta.
Biblioteca populara Mustér
